



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXVII. Gregorii Papae I. Ad Sebastianvm Episcopvm Rhiziniensem.
De reuersione Anastasii patriarchae.

urn:nbn:de:hbz:466:1-15221

luntas duxerit, illuc obedientibus mentis gressibus prosequatur. Ego autem considerans infirmitatem meam ad apostolicæ sedis culmen non posse pertingere, onus hoc malui declinare, ne in pastoralis regimine imparis administrationis actione succumberem. Sed quia contraire non est Domini disponentis arbitrio, obedienter secutus sum, quod misericors de me regentis manus voluerit operari. Nam fraternitati vestræ, & si præsens non eueniret occasio, necessario fuerat indicandum, quod licet indignum me apostolicæ sedi Dominus præesse dignatus est. Cum ergo fieri hoc & causa posceret, & directi a nobis præsentium latoris, id est, Bonifacii defensoris euenisset occasio, curauimus non solum scriptis fraternitati vestræ caritatis vota persolvere, sed etiam de ordinatione nostra, quod desiderabile vobis fuisse credimus, indicare. Propterea caritas vestra reciprocis literis nos de vnitæ ecclesiæ, & desiderabili nuntio salutis vestræ lætificet: quatenus absentia corporalis, quam nos locorū facit sustinere disunctio, scriptorum sibi vicissitudine præsentetur. Adhortamur etiam, vt quia memoratum superius præsentium portitorem pro necessariis quibusdam causis ad clementissimi principis vestigia destinauimus, & mutabilitas temporis multa solet impedimenta itineris generare, quidquid ei, siue in terreni itineris prouisione, siue etiam in procuratione nauigii necessarium fuerit, vestra sacerdotalis impendat affectio, vt destinatum iter celerius, Domino miserante, valeat explicare.

EPISTOLA XXVII.

GREGORII PAPÆ I.

AD SEBASTIANVM EPISCOPVM RHIZINIENSEM.

De reuersione Anastasii patriarchæ.

Gregorius Sebastiano episcopo Rhiziniensi.

QUAMVIS nulla merui beatitudinis vestræ scripta suscipere, tamen ego etiam obliuiscens me non obliuiscor, negligentem pulso, torpentem amoris stimulis inquieto: vt qui ex semetipso non vult impendere, vel pulsatus sciat reddere quod debet. Præterea indico suggestionem me apud piissimos dominos summis precibus ple-

nam

nam fecisse, vt virum beatissimum domnum Anastasium patriarcham concessio vsu pallii ad beati Petri apostolorum principis limina mecum celebraturum solennia Missarum transmittere debuissent: quatenus si ei ad sedem suam minime reuertiliceret, saltem mecum in honore suo viueret. Sed quæ causa contigerit vt eadem scripta retinerem, præsentium lator vobis innotescet. Eiusdem tamen domni Anastasii animum cognoscite, & quidquid ei de hac re placuerit, vestris mihi epistolis indicate.

EPISTOLA XXVIII.
GREGORII PAPÆ I.

AD ARISTOBOLVM EXPRÆFECTVM ET ANTIGRAPHVM.

De expositione epistolarum suarum.

Gregorius Aristobolo expræfecto & antigrapho.

AD explendum affectum meum, fateor, lingua non sufficit: sed quidquid de vobis sentio, vester vobis melius affectus dicit. Quibusdam vero vos aduersitatibus laborare audiui. Sed non hac de re valde contristor, quia plerumque nauis, quæ peruenire ad altas pelagi tempestates per prosperitatem poterat, in ipso nauigationis initio vento aduersante repellitur, sed ad portum repulsa reuocatur. Præterea si prolixam epistolam ad interpretandum accipere fortasse contigerit, rogo non verbum ex verbo, sed sensum ex sensu transferte: quia plerumque, dum proprietas verborum attenditur, sensuum virtus amittitur.

EPISTOLA XXIX.
GREGORII PAPÆ I.

AD ANDREAM ILLVSTREM DE DIBIRIA.

Transmittit clauem a corpore sancti Petri,
& de catenis eius.

Gregorius Andreae illustri de Dibiria.

OMNIPOTENS Deus dulcissimo cordi vestro indicet, quia & absens corpore a caritate vestra animo non recessi. Bona enim vestra, etiam si volo, obliuisci non valeo. Hoc autem quod ad me episcopatus ordinem cognoscitis peruenisse, si me diligitis, plangite, quia hic

Concil. Tom. 13.

Bb